

(өзгерістер мен толықтыруларымен)
БЕКІТІЛДІ
«АУЫЛ» партиясының XXV
съезінің
2026 жылғы «23» маусымдағы
хаттамасымен

**«АУЫЛ» ПАРТИЯСЫ»
РЕСПУБЛИКАЛЫҚ ҚОҒАМДЫҚ БІРЛЕСТІГІНІҢ
ЖАРҒЫСЫ
(жаңа редакцияда)**

Астана, 2026 жыл

2000 жылғы 30 қаңтарда бастамашыл топ «Ауыл» партиясын құру туралы шешім қабылдады. «Ауыл» шаруа социал-демократиялық партиясы» қоғамдық бірлестігін бастапқы мемлекеттік тіркеу 2000 жылғы 30 наурызда өтті. Кейін, атауының «Ауыл» қазақстандық социал-демократиялық партиясы» қоғамдық бірлестігі деп өзгеруіне байланысты мемлекеттік қайта тіркеу жүргізілді.

2015 жылғы қыркүйекте партияның кезектен тыс ХІ съезінде «Ауыл» партиясы Қазақстан патриоттары партиясымен бірігу туралы шешім қабылдап, ол «Ауыл» халықтық-демократиялық патриоттық партиясы» қоғамдық бірлестігі» деген жаңа атаумен тіркелді.

Партияның 2024 жылғы 21 маусымда Зеренді ауылында өткен XXIV съезінде Партияның атауын «Ауыл» партиясы» республикалық қоғамдық бірлестігіне өзгерту, Партияның Жарғысын жаңа редакцияда бекіту және мемлекеттік қайта тіркеуден өткізу туралы шешім қабылданды.

1. ЖАЛПЫ ЕРЕЖЕЛЕР

1. «Ауыл» партиясы» республикалық қоғамдық бірлестігі (бұдан әрі – Партия деп аталады) – мемлекеттік биліктің, жергілікті өзін-өзі басқарудың өкілді және атқарушы органдарында азаматтардың, түрлі әлеуметтік топтардың мүдделерін білдіру және оларды қалыптастыруға қатысу мақсатында олардың саяси ерік-жігерін білдіретін Қазақстан Республикасы азаматтарының ерікті бірлестігі.

2. Партияның толық атауы:

мемлекеттік тілде: «Ауыл» партиясы» республикалық қоғамдық бірлестігі;

орыс тілінде: Республиканское общественное объединение «Партия «Ауыл»;

ағылшын тілінде: «Auyl» political party» Republic public union.

Партияның қысқартылған атауы:

мемлекеттік тілде: «Ауыл» партиясы»;

орыс тілінде: «Партия «Ауыл»;

ағылшын тілінде: «Auyl» political party».

3. Партия Қазақстан Республикасының заңнамасына сәйкес құрылады.

4. Партияның басшы органдары мен оның құрылымдық бөлімшелері Қазақстан Республикасының аумағында орналасқан.

5. Партия өз қызметін Қазақстан Республикасының бүкіл аумағында Қазақстан Республикасының Конституциясына, «Саяси партиялар туралы» Қазақстан Республикасының Заңына және Қазақстан Республикасының өзге де нормативтік құқықтық актілеріне, осы Жарғыға және Партияның Бағдарламасына сәйкес жүзеге асырады.

6. Партия – меншік құқығында оқшауланған мүлкі бар, осы мүлікпен өз міндеттемелері бойынша жауап беретін, өз атынан мүлктік және жеке

мүліктік емес құқықтар мен міндеттерді иеленіп, жүзеге асыра алатын, сотта талапкер және жауапкер бола алатын заңды тұлға.

7. Партияның құқықтық қабілеті мемлекеттік тіркеуден өткен кезден бастап туындайды және оны тарату аяқталған кезде тоқтатылады.

8. Партияның дербес теңгерімі, банктерде есептік және басқа да шоттары, мемлекеттік және орыс тілдерінде өз атауы көрсетілген мөрі, мөртабандары мен бланкілері болады.

9. Партия Қазақстан Республикасының заңнамасында белгіленген шектеулерді қоспағанда, өзінің ішкі құрылымын, мақсаттарын, қызмет нысандары мен әдістерін айқындауда еркін.

10. Партия өз қызметін еріктілік, теңдік, өзін-өзі басқару, заңдылық және жариялылық қағидаттарында құрады.

11. Партия Орталық аппаратының орналасқан жері:

Қазақстан Республикасы, Астана қаласы, Мәңгілік Ел даңғылы, 8-ғимарат, н.п. 1б - 9в.

2. ПАРТИЯНЫҢ МАҚСАТЫ, МІНДЕТТЕРІ, ҚЫЗМЕТІНІҢ НЫСАНАСЫ, ҚҰҚЫҚТАРЫ МЕН МІНДЕТТЕРІ

12. Партияның мақсаты – гүлденген ауылдары мен қалалары бар, халықтың мәдени дәстүрлері мен рухани құндылықтарына негізделген, аграрлық, саяси тұрақты, экономикалық күшті, әлеуметтік әділетті, демократиялық, зайырлы, құқықтық мемлекет құру.

13. Партияның міндеттері:

13.1. қоғам мен мемлекетті дамытуға бағытталған әлеуметтік, экономикалық және саяси реформаларды іске асыруға жәрдемдесу;

13.2. бостандық, демократия, әділеттілік қағидаттарында азаматтық қоғамның қалыптасуына қатысу;

13.3. Қазақстан Республикасының Президентін, Қазақстан Республикасы Құрылтайының депутаттарын, аудандық маңызы бар қалалардың, ауылдардың, кенттердің, ауылдық округтердің әкімдерін, облыстық, қалалық және аудандық мәслихаттардың депутаттарын, жергілікті өзін-өзі басқару органдарының мүшелерін сайлауға қатысу;

13.4. Қазақстан Республикасының азаматтарында этносаралық және конфессияаралық келісімді, жасампаз патриотизмді нығайтуға жәрдемдесу;

13.5. саяси және қоғамдық көшбасшыларды іріктеу, ұсыну және қолдау;

13.6. заңдарды әзірлеуге және заң жобаларын Қазақстан Республикасының Құрылтайында талқылауға қатысу;

13.7. саяси партиялармен және басқа да қоғамдық бірлестіктермен, оның ішінде жастар, әйелдер, салалық бірлестіктермен өзара іс-қимыл жасау;

13.8. шағын және орта кәсіпкерлікті, оның ішінде шаруа, фермер қожалықтарын дамытуға жәрдемдесу;

13.9. мемлекеттік билік органдарының қызметіне қоғамдық бақылауды жүзеге асыруға қатысу;

13.10. бағдарламалық және стратегиялық құжаттарды әзірлеуге және іске асыруға қатысу.

14. Партия қызметінің нысанасы:

14.1. қоғамның саяси өміріне қатысу;

14.2. Партияның Жарғысында және Бағдарламасында көзделген Партияның мақсатына қол жеткізуді және міндеттерін іске асыруды қамтамасыз ету;

14.3. Партияның мақсаты мен міндеттерін алға жылжыту және түсіндіру;

14.4. заң шығару қызметіне қатысу;

14.5. жолданымдар жіберу, қоғамдық бақылауға қатысу, мемлекеттік органдармен өзара іс-қимыл жасау және қоғамдық-саяси қолдау көрсету арқылы азаматтардың, Партия мүшелерінің құқықтары мен заңды мүдделерін қорғауға жәрдемдесу;

14.6. Партияның құрылымдық бөлімшелеріне, түрлі меншік нысанындағы мекемелер мен ұйымдарға, сондай-ақ азаматтарға әдістемелік, ұйымдастырушылық және өзге де көмек көрсету;

14.7. алып тасталды;

14.8. алып тасталды;

14.9. алып тасталды;

14.10. Партияның осы Жарғыда көзделген мақсатына қол жеткізуге және міндеттерін іске асыруға сәйкес келетін өзге де қызметті жүзеге асыру.

15. Партия:

15.1. Қазақстан Республикасының Президенттігіне, Қазақстан Республикасы Құрылтайының және барлық деңгейдегі мәслихаттар депутаттығына, аудандық маңызы бар қалалардың, ауылдардың, кенттердің, ауылдық округтердің әкіміне кандидаттар ұсынуға;

15.2. Қазақстан Республикасының Президенттігіне, Қазақстан Республикасы Құрылтайының және барлық деңгейдегі мәслихаттардың депутаттығына, аудандық маңызы бар, ауылдардың, кенттердің, ауылдық округтердің әкімдеріне кандидаттыққа ұсынылатын үміткерлерге партияішілік іріктеу жүргізуге;

15.3. барлық деңгейдегі әкімдердің кандидатураларын тағайындау кезінде оларды мәслихаттармен келісу рәсімдеріне мәслихаттардың депутаттары – Партия мүшелері арқылы қатысуға;

15.4. Қазақстан Республикасы Құрылтайында депутаттық фракция және барлық деңгейдегі мәслихаттарда Партияның депутаттық фракцияларын (топтарын) құруға;

15.5. алып тасталды;

15.6. Қазақстан Республикасының Құрылтайындағы депутаттық фракция арқылы Қазақстан Республикасының Үкіметіне сенімсіздік білдіру туралы бастама жасауға;

15.7. мәслихаттардағы партияның депутаттық фракциялары (топтары) арқылы тиісті әкімдерге сенімсіздік білдіруге бастамашылық жасауға;

15.8. Қазақстан Республикасында жұмыс істейтін саяси партиялармен және басқа да азаматтық қоғам институттарымен ынтымақтасуға;

15.9. басқа елдердің саяси партияларымен байланыс орнатуға, тиісті келісімдер жасасуға, діни бірлестіктерді қоспағанда, халықаралық коммерциялық емес үкіметтік емес бірлестіктерге ұжымдық мүше ретінде кіруге;

15.10. өз қызметі туралы ақпарат таратуға және өз мақсаты мен міндеттерін насихаттауға;

15.11. заңнамаға сәйкес бейбіт жиналыстар, басқа да қоғамдық-саяси акциялар мен іс-шаралар ұйымдастыруға және өткізуге;

15.12. баспа және полиграфиялық қызметті жүзеге асыруға;

15.13. өз масс-медиасын құруға;

15.14. Қазақстан Республикасының басқа саяси партияларымен және қоғамдық бірлестіктерімен қауымдастықтарға (одақтарға) ерікті негізде бірігуге;

15.15. Партияның осы Жарғыда көзделген мақсатына сәйкес кәсіпкерлік қызметті жүзеге асыруға;

15.16. қайырымдылық қызметті жүзеге асыруға;

15.17. «Саяси партиялар туралы» Қазақстан Республикасының Заңында және Қазақстан Республикасының өзге де заңнамалық актілерінде көзделген өзге де құқықтарды жүзеге асыруға құқылы.

16. Партияның міндеттері:

16.1. Қазақстан Республикасы Конституциясының, Қазақстан Республикасы заңдарының және Қазақстан Республикасының басқа да нормативтік құқықтық актілерінің талаптарын сақтау;

16.2. әрбір азаматтың өзінің құқықтары мен мүдделерін қозғайтын партия құжаттарымен, шешімдерімен және ақпарат көздерімен танысу мүмкіндігін қамтамасыз ету;

16.3 тіркеуші органға Партияның тұрақты жұмыс істейтін органының орналасқан жерінің өзгеруі және оның басшылары туралы Бизнес-сәйкестендіру нөмірлерінің ұлттық тізіліміне енгізілетін мәліметтер көлемінде хабарлау;

16.4 өзінің қаржылық қызметі туралы есепті мемлекеттік кірістер органдарына Қазақстан Республикасының заңнамасында белгіленген мерзімдерде және көлемде ұсыну.

3. ПАРТИЯҒА МҮШЕ БОЛУ.

ПАРТИЯ МҮШЕЛЕРІНІҢ ҚҰҚЫҚТАРЫ МЕН МІНДЕТТЕРІ

17. Партияға мүшелік ерікті, жеке және тіркелетін тәртіпте болады.

18. Он сегіз жасқа толған, Партияның Жарғысы мен бағдарламалық құжаттарының талаптарын орындайтын, Партияның Жарғысында көзделген мақсаттарға қол жеткізуге және міндеттерді іске асыруға белсенді

түрде қатысатын Қазақстан Республикасының азаматы Партияның мүшесі бола алады.

19. «Саяси партиялар туралы» Қазақстан Республикасының Заңына сәйкес оған құқығы жоқ адамдардың Партияға мүше болуына жол берілмейді.

20. Партияға қабылдау туралы шешім азаматтың өтініші негізінде бастауыш партия ұйымының жиналысында қабылданады.

21. Жекелеген жағдайларда партияға қабылдау туралы шешімді Партияның Саяси кеңесінің Бюросы немесе Партияның өңірлік филиалы Саяси Кеңесінің Бюросы, аумақтық партиялық ұйымының Саяси кеңесі қабылдауы мүмкін.

22. Партияға мүше болу тиісті партия құжатымен расталады.

23. Партияға мүше болуды тоқтату мынадай жағдайларда жүзеге асырылады:

23.1. жазбаша өтініш негізінде Партиядан шыққанда;

23.2. азаматтықты жоғалтқанда;

23.3. Қазақстан Республикасынан тысқары жерлерге тұрақты тұруға кеткенде;

23.4. әскери қызметке, арнаулы мемлекеттік органдарға, құқық қорғау органдарына қабылданғанда;

23.5. Конституциялық Соттың, Жоғарғы Соттың және өзге де соттардың төрағасы және судьясы, Орталық сайлау комиссиясының, Республиканың Жоғары аудиторлық палатасының төрағасы және мүшесі, Қазақстан Республикасындағы Адам құқықтары жөніндегі уәкіл болып тағайындалғанда (сайланғанда);

23.6. басқа партияға кіргенде;

23.7. қайтыс болғанда, сондай-ақ азаматты қайтыс болды деп жариялаған немесе сот шешімі бойынша әрекетке қабілетсіз деп танылған кезде;

23.8. Партиядан шығарылғанда.

24. Мыналар:

24.1. қылмыстық құқық бұзушылық жасағаны үшін соттың айыптау үкімі заңды күшіне енуі;

24.2. Партияның беделін түсіретін әрекет (әрекетсіздік) немесе Партияның мүдделеріне нұқсан келтіретін өзге де әрекет (әрекетсіздік);

24.3. Партияның Жарғысы мен Бағдарламасын, басқа да құжаттарын, Партия органдарының шешімдерін сақтамау, Партиядан шығару үшін негіз болады.

25. Партиядан шығару туралы шешімді бастауыш партия ұйымының жиналысы қабылдайды. Жекелеген жағдайларда Партиядан шығару туралы шешімді Партияның Саяси кеңесінің Бюросы, Партияның өңірлік филиалы Саяси кеңесінің Бюросы немесе аумақтық партия ұйымының Саяси кеңесі қабылдауы мүмкін.

26. Қазақстан Республикасы Құрылтайы депутаттарының Партияға мүше болуын тоқтату туралы шешімді Партияның Саяси кеңесінің Бюросы қабылдайды.

Мәслихаттар депутаттарының және аудандық маңызы бар қалалар, ауылдар, кенттер, ауылдық округтер әкімдерінің мүшелігін тоқтату туралы шешімді осы Жарғыға сәйкес Партияның Саяси кеңесі Бюросының келісімі бойынша Партияның өңірлік филиалы Саяси кеңесінің Бюросы қабылдайды.

27. Партиядан шығару:

- Қазақстан Республикасы Құрылтайы депутатының;
- Партиядан сайланған барлық деңгейдегі мәслихат депутатының;
- әкімнің және жергілікті мемлекеттік басқару және өзін-өзі басқару органдарында өзге де сайланбалы лауазымдарды атқаратын адамның өкілеттігін тоқтатуына негіз болады.

Партияны қайта ұйымдастыруға және таратуға байланысты мүшелікті тоқтату әкімнің өкілеттігін тоқтатуға алып келмейді.

28. Партия мүшесіне партияшілік тәртіпті бұзғаны үшін ескерту, сөгіс, Партиядан шығару сияқты партия жазалары қолданылуы мүмкін.

29. Партия жазасын қолдану туралы шешімді Партияның Саяси кеңесінің Бюросы, Партияның өңірлік филиалы Саяси кеңесінің Бюросы, аумақтық партия ұйымының Саяси кеңесі, бастауыш партия ұйымының жиналысы қабылдайды.

30. Партияның Орталық аппараты есепке алу нысандарының негізінде Партияның өңірлік филиалдарының есептері бойынша Партияның мүшелерін есепке алуды жүзеге асырады, оны жүргізу тәртібін Партияның Саяси кеңесінің Бюросы бекітеді.

31. Партия мүшелерін есепке алу қағаз жеткізгіште немесе электрондық форматта жүзеге асырылады. Партияның Орталық аппаратында Партияның өңірлік филиалдары ұсынатын мәліметтер негізінде Партия мүшелерінің бірыңғай электрондық дерекқоры жүргізіледі.

32. Партия мүшелерінің тиісті есебін қамтамасыз ету үшін Партия Орталық аппаратының Басшысы, Партияның өңірлік филиалдарының, аумақтық және бастауыш партия ұйымдарының Төрағалары дербес жауапты болады.

33. Партияның мүшесі:

33.1. Партия мен партия ұйымдарының бағдарламалық және өзге де құжаттарын әзірлеуге қатысуға;

33.2. Партия органдарына сайлауға және сайлануға;

33.3. Партиядан Қазақстан Республикасы Президенттігіне кандидат ретінде ұсынылуға, Қазақстан Республикасы Құрылтайының депутаттығына, мәслихаттар депутаттығына кандидаттардың партиялық тізіміне енгізілуге, партиядан мәслихаттар депутаттығына кандидат, әкім

болуға, жергілікті өзін-өзі басқару органдарының мүшелігіне кандидат ретінде ұсынылуға;

33.4. өз пікірін еркін білдіруге, Партия қызметінің мәселелерін талқылауға, ауызша немесе жазбаша нысанда ұсыныстар енгізуге, кез келген партия органын, Партияның кез келген мүшесін сынауға;

33.5. Партияның қорғауы мен қолдауын пайдалануға;

33.6. Партияның кез келген органына оны қызықтыратын мәселелер бойынша жүгінуге және мәні бойынша жауап алуға;

33.7. Партияның және оның сайланбалы органдарының қызметі туралы ақпарат алуға;

33.8. алып тасталды;

33.9. Партияға жаңа мүшелерді тарту бойынша жұмыс жүргізуге;

33.10. Партиядан шығу туралы мәселені өз бетінше шешуге;

33.11. үш ай ішінде Партиядан шығару, партияның жазалау шараларын қолдану туралы шешімге жоғары тұрған партия органдарына шағымдануға;

33.12. бастауыш партия ұйымдарына ерікті негізде бірігуге құқылы.

34. Партия мүшесінің міндеттері:

34.1. Партия Жарғысының, Бағдарламасының және басқа да құжаттарының талаптарын қатаң сақтау;

34.2. Партияның мақсаты мен міндеттерін насихаттауға белсенді қатысу;

34.3. Партияның Жарғысының, Бағдарламасының және басқа да құжаттарының талаптары мен нормаларын түсіндіру және қорғау;

34.4. партия органдарының шешімдерін орындау;

34.5. Партия қызметіне белсенді қатысу;

34.6. Партия мүлкіне, құжаттарына, рәміздеріне ұқыппен қарау және олардың сақталуын қамтамасыз ету;

34.7. тек бір бастауыш партия ұйымында есепте тұру.

4. ПАРТИЯНЫҢ ҰЙЫМДЫҚ ҚҰРЫЛЫМЫ. ПАРТИЯНЫҢ ОРГАНДАРЫ ЖӘНЕ ОЛАРДЫҢ ӨКІЛЕТТІКТЕРІ

4.1. Партияның ұйымдық құрылымы

35. Партия аумақтық-өндірістік белгісі бойынша құрылады және мыналардан:

35.1. Партия мүшелерінің тұрғылықты жері бойынша, сондай-ақ кәсіпорындарда, ұйымдар мен мекемелерде құрылатын бастауыш партия ұйымдарынан;

35.2. аудандарда, облыстық маңызы бар қалаларда құрылатын және өз құрамында бастауыш партия ұйымдарын біріктіретін аумақтық партия ұйымдарынан;

35.3. облыстарда, республикалық маңызы бар қалаларда, Қазақстан Республикасының астанасында құрылатын және өз құрамында аумақтық партия ұйымдарын біріктіретін Партияның өңірлік филиалдарынан тұрады.

4.2. Партияның органдары

4.2.1. Партияның съезі

36. Партияның төрт жыл ішінде кемінде бір рет шақырылатын Съезі Партияның жоғары басшы органы болып табылады.

36.1. Партия съезі Партияның басқа органдарының айрықша құзыретіне жатпайтын қызметі туралы барлық мәселелерді шешуге құқылы.

37. Партия Съезінің айрықша құзыретіне мыналар жатады:

37.1. Партияның Жарғысы мен Бағдарламаларын бекіту;

37.2. Партияның Жарғысы мен Бағдарламасына өзгерістер мен толықтырулар енгізу;

37.3. Партия мүшелерін Қазақстан Республикасының Президенттігіне кандидат ретінде ұсыну, Құрылтайға сайлау бойынша партиялық тізімді бекіту, сондай-ақ Қазақстан Республикасының заңнамасында көзделген жағдайларда және тәртіппен кандидат (кандидаттардың партиялық тізімі) тіркелгенге дейін және ол жүзеге асырылғаннан кейін көрсетілген шешімдердің күшін жою;

37.4. Саяси кеңес пен Ревизия комиссиясының есептерін тыңдау және бекіту;

37.5. Партия Төрағасын сайлау және қызметтен босату;

37.6. Партияның Саяси кеңесі мен Ревизия комиссиясының мүшелігіне сайлау және мүшелігінен шығару;

37.7. заңнамалық актілерде белгіленген шектерде Партияның басқа заңды тұлғалар мен өз филиалдарын құруға немесе олардың қызметіне қатысуы туралы шешімдер қабылдау;

37.8. Партияны ерікті түрде қайта ұйымдастыру немесе тарату туралы шешім қабылдау;

37.9. 37.4. және 37.6-тармақтарда көрсетілген мәселелер Партияның Съездерінде төрт жыл ішінде кемінде бір рет кезеңділікпен қаралады.

38. Партияның Съездері Партияның Саяси кеңесі Бюросының шешімімен шақырылады. Жекелеген жағдайларда Партия Төрағасының шешімі бойынша Партияның кезектен тыс Съезі шақырылуы мүмкін.

39. Съездің күнін, уақытын, өткізілетін орнын, күн тәртібінің жобасын, Партияның әрбір өңірлік филиалынан қатысатын делегаттарының санын (Съезд делегаттары өкілдігінің нормасын) және оларды сайлау тәртібін Партияның Саяси кеңесінің Бюросының немесе Партияның Төрағасы айқындайды.

40. Партия Съезінің делегаттары Партияның өңірлік филиалдарының Конференцияларында сайланады. Жекелеген жағдайларда Партия Съезінің

делегаттары Партияның Саяси кеңесі Бюросының шешімімен сайлануы мүмкін.

41. Партия Съезінің шешімдері қатысып отырған делегаттардың көпшілік даусымен қабылданады. Дауыс беру нысанын (ашық немесе жасырын) Съезд делегаттары айқындайды.

42. Партия Съезі оның жұмысына Партияның барлық өңірлік филиалынан сайланған делегаттардың кемінде жартысы қатысқан кезде заңды болып саналады.

43. Партия Съезінің отырыстары Партияның Саяси кеңесінің Бюросы немесе Партия Төрағасы айқындайтын тәртіппен бетпе-бет, қашықтан (ақпараттық-коммуникациялық технологиялар пайдаланыла отырып), ь аралас форматта өткізілуі мүмкін.

4.2.2. Партияның Саяси кеңесі

44. Партияның Саяси кеңесі Партияның Съездері арасында Партияның басшы органы болады.

45. Партияның Саяси кеңесінің құзыреті:

45.1. қалыптасқан қоғамдық қатынастар бойынша Партия ұстанымын айқындау;

45.2. Партия Төрағасының ұсынысы бойынша өз құрамынан Партияның Саяси кеңесі Бюросының мүшелерін сайлау, сондай-ақ Партия Төрағасының ұсынысы бойынша мүшелерді Партияның Саяси кеңесі Бюросының құрамынан шығару;

45.3. Партияның Қазақстан Республикасы Президентінің, Қазақстан Республикасы Құрылтайы депутаттарының сайлауына, референдумдарға қатысуына байланысты мәселелерді қарау;

45.4. Қазақстан Республикасының Президенттігіне кандидат ретінде ұсынуға кандидатураларды, Құрылтайға сайлау бойынша партиялық тізімді Партияның Саяси кеңесі Бюросының ұсыныстары бойынша Партия Съезінің қарауына енгізу;

45.5. алып тасталды;

45.6. Партияның Ревизия комиссиясы туралы ережені бекіту;

45.7. Партия Съезінің айрықша құзыретіне жатпайтын басқа да шешімдерді қабылдау.

46. Партияның Саяси кеңесінің отырыстары қажеттілігіне қарай өткізіледі, оны Партия Төрағасы немесе Партияның Саяси кеңесінің Бюросы шақырады.

47. Партияның Саяси кеңесінің отырысы Партияның Саяси кеңесінің Бюросы немесе Партия Төрағасы айқындайтын тәртіппен бетпе-бет, қашықтан (ақпараттық-коммуникациялық технологиялар пайдаланыла отырып), аралас форматта өткізілуі мүмкін.

48. Партияның Саяси кеңесінің отырысы, егер оған мүшелерінің жартысынан көбі қатысса, заңды болады.

49. Партияның Саяси кеңесінің шешімдері оның қатысып отырған мүшелерінің көпшілік даусымен қабылданады.

50. Партияның Саяси кеңесінің шешімдерін оның мүшелерінен сауалнама алу арқылы қабылдауға жол беріледі. Сауалнама электрондық түрде, оның ішінде мессенджерлер мен өзге де электрондық бағдарламаларды, қосымшаларды пайдалану арқылы жүргізілуі мүмкін.

4.2.3. Партияның Саяси кеңесінің Бюросы

51. Партияның Саяси кеңесінің Бюросы Партияның Съездері мен Партияның Саяси кеңесінің отырыстары арасындағы кезеңде Партияның басшы органы болады.

52. Партияның Саяси кеңесінің Бюросы Партияның Саяси кеңесі Партияның Төрағасының ұсынысы бойынша өз құрамының ішінен сайлайды.

53. Партияның Саяси кеңесі Бюросының құзыретіне мыналар кіреді:

53.1. Съездің және Партияның Саяси кеңесі шешімдерінің орындалуын қамтамасыз ету, Партия органдары қызметінің Партия Съездерінің шешімдерін орындау жөніндегі негізгі бағыттарын айқындау;

53.2. Партияның қоғам мен мемлекеттің маңызды саяси және әлеуметтік-экономикалық даму мәселелері бойынша өтініштері мен жолданымдарының жобаларын Партияның Саяси кеңесінің қарауына енгізу;

53.3. Партияның Съезін шақыру туралы, Партия Съезінің күн тәртібінің жобасы туралы, Партияның Съезі өткізілетін күн, орын туралы, Партияның әрбір өңірлік филиалынан Съезд делегаттарының саны туралы (Съезд делегаттары өкілдігінің нормасы туралы), Съезді өткізу нысаны туралы (бетпе-бет, қашықтан, аралас және онлайн форматта) шешім қабылдау;

53.4. Партияның Саяси кеңесінің отырысын шақыру туралы, Партияның Саяси кеңесі отырысы күн тәртібінің жобасы туралы, оның өткізілетін күні, уақыты мен орны туралы шешім қабылдау, Партияның Саяси кеңесінің отырысын өткізу нысанын айқындау (бетпе-бет, қашықтан, аралас немесе онлайн форматта);

53.5. Партияның Қазақстан Республикасының басқа саяси партияларымен және қоғамдық бірлестіктерімен қауымдастықтарға, одақтарға, блоктарға, коалицияларға ерікті негізде кіруі туралы шешімдер қабылдау;

53.6. Партияның Жарғысына енгізілетін өзгерістер мен толықтыруларды Партия Съезінің қарауына енгізу;

53.7. Қазақстан Республикасының Президенттігіне кандидат ұсыну, Құрылтайға сайлау бойынша партиялық тізімді қалыптастыру жөніндегі ұсыныстарды Партияның Саяси кеңесінің қарауына енгізу;

53.7.1. Қазақстан Республикасының заңнамасына сәйкес Қазақстан Халық Кеңесі құрамына кандидатуралар бойынша ұсыныстар енгізу;

53.8. Қазақстан Республикасы Құрылтайы депутаттарының мандаттарын партиялық тізімге енгізілген кандидаттар арасында бөлу;

53.9. Қазақстан Республикасы Құрылтайында Партияның депутаттық фракциясын құру туралы шешім қабылдау;

53.10. Партия Төрағасының ұсынуы бойынша депутаттық фракцияға Қазақстан Республикасы Құрылтайындағы Партияның депутаттық фракциясының Басшысы лауазымына кандидатура бойынша ұсынымдар енгізу;

53.11. Қазақстан Республикасы Құрылтайындағы Партияның депутаттық фракциясы шешімдерінің күшін жою;

53.12. алып тасталды;

53.13. партиялық тізім бойынша сайланған Қазақстан Республикасы Құрылтайының депутатының өкілеттіктерін мерзімінен бұрын кері қайтарып алу туралы шешім қабылдау;

53.14. Партияның өңірлік филиалы Саяси кеңесінің Бюросы Партияның өңірлік филиалы Саяси кеңесінің қарауына енгізуге ұсынатын астана, облыстар, республикалық маңызы бар қалалар мәслихаттарының депутаттығына кандидатураларды келісу;

53.15. Партияның өңірлік филиалы Саяси кеңесі Бюросының партиялық тізімге енгізілген кандидаттар арасында мәслихаттар депутаттарының мандаттарын бөлу туралы шешімінің жобасын келісу;

53.16. алып тасталды;

53.17. Партияның өңірлік филиалы Саяси кеңесі Бюросының партиялық тізім бойынша сайланған мәслихаттар депутаттарының өкілеттіктерін мерзімінен бұрын кері қайтарып алу туралы шешімінің жобасын келісу;

53.18. алып тасталды;

53.19. Партияның өңірлік филиалы Саяси кеңесі Бюросының партия ұсынған әкімдерді, депутаттарды Партиядан шығару туралы шешімін келісу;

53.20. Партияның өңірлік филиалдарын құру, қайта ұйымдастыру, тарату, қайта атау жөніндегі ұсыныстарды Партия Съезінің қарауына енгізу;

53.21. өңірлік филиалдар Конференцияларының аумақтық партия ұйымдарын құру, олардың қызметін тоқтату туралы шешімдерін бекіту;

53.22. Партия Төрағасының ұсынысы бойынша Партия Төрағасының орынбасарларын тағайындау және босату;

53.23. Партия Төрағасының ұсынысы бойынша өңірлік филиалдар Төрағаларын сайлау және босату;

53.24. Партияның өңірлік филиалдары Төрағаларының, Қазақстан Республикасының Құрылтайындағы депутаттық фракция Басшысы мен мүшелерінің есептерін тыңдау;

53.25. Партия қызметі үшін қажетті құжаттарды, оның ішінде:

- Партияның Қазақстан Республикасының Құрылтайындағы депутаттық фракциясы туралы ережені;

- Партияның мәслихаттардағы депутаттық фракциялары (топтары) туралы ережені;

- Партияның Орталық аппараты туралы ережені;

- Партияның Қазақстан Республикасының Құрылтайындағы депутаттық фракциясының аппараты туралы ережені;

- Партияның Жастар ұйымы туралы ережені;

- Партияның партиялық-саяси жұмыстың түрлі бағыттары бойынша қоғамдық консультативтік-кеңесші комиссиялары мен жұмыс топтары туралы ережелерді;

- Партияның мүшелігіне қабылдау және оларды есепке алу, партия билеттерін беру және алып қою тәртібі туралы ережені;

- Партияның құрылымдық бөлімшелері туралы ережелерді;

- Партиялық көтермелеу және партиялық жазалау шаралары туралы ережелерді бекіту;

53.26. Партия Төрағасының өкілеттіктері мерзімінен бұрын тоқтатылған жағдайларда Съезд Партия Төрағасын сайлаған кезге дейінгі мерзімге Партия Төрағасы орынбасарларының біріне Партия Төрағасының өкілеттіктерін жүктеу туралы шешім қабылдау;

53.27. партиялық-саяси жұмыстың түрлі бағыттары бойынша Комиссиялар мен Жұмыс топтарын құру;

53.28. мемлекеттік органдардың мемлекеттік наградаларымен, құрметті атақтарымен, ведомстволық наградаларымен наградтауға ұсынылған кандидатураларды бекіту;

53.29. Партия мүшелігіне қабылдау, Партия мүшелігінен шығару және жаза қолдану туралы шешім қабылдау;

53.30. Партиядан шығарылған және партиялық жаза қолданылған адамдардың шағымдарын қарау;

53.31. Партияның кез келген органын шақыру туралы шешім қабылдау;

53.32. Партия съезінің делегаттарын сайлау;

53.33. Партия Съезі мен Партияның Саяси кеңесінің айрықша құзыретіне жатпайтын Партия қызметінің өзге де мәселелерін қарау.

54. Партияның Саяси кеңесі Бюросының отырыстарын Партия Төрағасы шақырады және, егер оған мүшелерінің жартысынан көбі қатысса, ол заңды болады.

55. Партияның Саяси кеңесі Бюросының отырыстары қажеттілігіне қарай бетпе-бет, қашықтан, аралас немесе онлайн форматта өткізіледі.

56. Партияның Саяси кеңесі Бюросының шешімдері оның қатысып отырған мүшелерінің көпшілік даусымен қабылданады.

57. Партияның Саяси кеңесі Бюросының шешімдерін оның мүшелерінің сырттай дауыс беруі (сұрау салу) арқылы қабылдауға жол беріледі. Сұрау салу электрондық түрде, оның ішінде ақпараттық-коммуникациялық технологияларды пайдалану арқылы жүргізілуі мүмкін.

58. Партияның Саяси кеңесінің Бюросы Партия Төрағасының қарауына оның құзыретіне кіретін жекелеген мәселелерді Партияның Саяси кеңесі Бюросының хаттамалық шешімі негізінде беруге құқылы.

4.2.4. алып тасталды

- 59. алып тасталды.
- 60. алып тасталды.
- 61. алып тасталды.
- 62. алып тасталды.
- 63. алып тасталды.
- 64. алып тасталды.

4.2.5. Партияның Төрағасы

65. Партияның Төрағасы – Партияның Съезінде сайланатын Партиядағы жоғары басшы тұлға.

66. Партия Төрағасының құзыретіне мыналар кіреді:

66.1. Партияның қызметіне жалпы басшылықты жүзеге асыру;

66.2. Партияның Саяси кеңесінің Бюросымен келісу бойынша Партияның Съезін шақыру туралы, Партияның Съезі күн тәртібінің жобасы туралы, Партияның Съезі өткізілетін күн, орын туралы, Партияның әрбір өңірлік филиалынан келетін Съезд делегаттарының саны туралы (Съезд делегаттары өкілдігінің нормасы туралы), Съезді өткізу форматы (бетпе-бет, қашықтан (ақпараттық-коммуникациялық технологияларды пайдалана отырып) не аралас) туралы шешім қабылдау;

66.3. Партияның Съезін ашу және оған төрағалық ету;

66.4. Партияның Саяси кеңесінің Бюросымен келісу бойынша Партияның Саяси кеңесінің отырысын шақыру туралы, Партияның Саяси кеңесі отырысы күн тәртібінің жобасы туралы, ол өткізілетін күн, уақыт және орын туралы шешім қабылдау, Партияның Саяси кеңесінің отырысын өткізу форматын (бетпе-бет, қашықтан (ақпараттық-коммуникациялық технологияларды пайдалана отырып) не аралас) айқындау;

66.5. Партияның Саяси кеңесінің, Партияның Саяси кеңесі Бюросының жұмысына басшылық жасау, олардың отырыстарында төрағалық ету;

66.6. алып тасталды;

66.7. Партияның Саяси кеңесінің Бюросына, Партияның Саяси кеңесіне, Партияның Съезіне Қазақстан Республикасының Президенттігіне кандидатты, Қазақстан Республикасы Құрылтайының депутаттығына кандидаттарды ұсыну жөнінде ұсыныстар енгізу;

66.8. Партияның Саяси кеңесінің Бюросына Партия Төрағасының орынбасарларын сайлау және қызметтен босату жөнінде ұсыныстар енгізу;

66.9. Партияның Саяси кеңесінің Бюросына Партияның өңірлік филиалдарының Төрағаларын тағайындау және қызметтен босату жөнінде ұсыныстар енгізу;

66.10. Партия Төрағасы Орынбасарларының, өңірлік филиалдар мен аумақтық партия ұйымдары Төрағаларының өкілеттіктері мен функционалдық міндеттерін бекіту;

66.11. Партия Съезіне Партияның Саяси кеңесінің Бюросымен келісу бойынша Партияның Саяси кеңесінің, Партияның Ревизиялық комиссиясының сандық және дербес құрамы, сондай-ақ Партияның Ревизиялық комиссиясы Төрағасының кандидатурасы бойынша ұсыныстар енгізу;

66.12. Партияның Саяси кеңесіне Партияның Саяси кеңесі Бюросының сандық және дербес құрамы бойынша ұсыныстар енгізу;

66.13. Партияның Қазақстан Республикасының Құрылтайындағы депутаттық фракциясының жұмысын үйлестіру, ал оны Қазақстан Республикасы Құрылтайының депутаты етіп сайлаған жағдайда Партияның Қазақстан Республикасының Құрылтайындағы депутаттық фракциясына басшылық ету;

66.14. Партияның өңірлік филиалдары мен аумақтық партия ұйымдары Төрағаларының есептерін тыңдау;

66.15. Партияның өңірлік филиалдары мен аумақтық партия ұйымдары Төрағаларының атқарып отырған лауазымдарына сәйкестігі туралы шешімдер қабылдау;

66.16. Съезд, Партияның Саяси кеңесі, Партияның Саяси кеңесінің Бюросы қабылдаған хаттамаларға, шешімдерге, қаулыларға, өтініштерге, жолданымдарға және басқа да құжаттарға қол қою;

66.17. Партияның Орталық аппаратының және Депутаттық фракция аппаратының құрылымын, штат кестесін, қызметкерлеріне еңбекақы төлеу, материалдық және моральдық көтермелеу шараларын қолдану туралы ережелерді, оларды іссапарға, демалысқа жіберу графиктерін бекіту;

66.18. Партияның Саяси кеңесінің Бюросымен келісу бойынша Партияның кез келген органын шақыру туралы шешім қабылдау;

66.19. Партия Съезінің, Партияның Саяси кеңесінің, Партияның Саяси кеңесі Бюросының айрықша құзыретіне жатқызылмаған Партия қызметінің барлық мәселелері бойынша шешімдер қабылдау.

67. Партия Төрағасы:

67.1. Партия атынан сенімхатсыз әрекет етеді және үшінші тұлғалармен, оның ішінде мемлекеттік органдармен, қоғамдық ұйымдармен, ел ішінде де, шетелде де саяси партиялармен қарым-қатынастарда оны білдіреді;

67.2. өкімдер шығарады, бұйрықтарға, қаржылық және өзге де құжаттарға қол қояды, Партияның мүлкі мен ақшалай қаражатына иелік етеді;

67.3. Партияның Орталық аппаратының Басшысын жұмысқа қабылдайды және жұмыстан шығарады, оның өкілеттіктері мен функционалдық міндеттерін айқындайды, оны көтермелеу немесе оған тәртіптік жаза қолдану жөнінде шешімдер қабылдайды;

67.4. Қазақстан Республикасының Құрылтайындағы Партия Фракциясы аппаратының басшысын жұмысқа қабылдайды және жұмыстан шығарады, оның өкілеттіктері мен функционалдық міндеттерін айқындайды, оны көтермелеу немесе оған тәртіптік жаза қолдану жөнінде шешімдер қабылдайды;

67.5. Партияның Саяси кеңесі Бюросына мемлекеттік органдардың мемлекеттік наградаларымен, құрметті атақтарымен, ведомстволық наградаларымен наградтауға кандидатуралар бойынша ұсыныстар енгізеді;

67.6. партиялық наградалармен наградтау жөнінде шешімдер қабылдайды;

67.7. төмен тұрған партия органдарының кез келген шешімінің күшін жоюға құқығы бар;

67.8. Партияның басқа да лауазымды адамдарына өкімдер шығаруға, бұйрықтарға, қаржылық және өзге де құжаттарға қол қоюға, Партияның мүлкі мен ақшалай қаражатына иелік етуге, Партия Төрағасының өзге де өкілеттіктерін орындауға өкілеттік беруге құқығы бар;

67.9. заңнамада және Партияның Жарғысында белгіленген өзге де құқықтары бар.

68. Партия Төрағасының өкілеттіктері Партияға мүше болу тоқтатылған, өзі өкілеттіктерін ерікті түрде доғарған, Съезд Партия Төрағасының өкілеттіктерін мерзімінен бұрын тоқтату туралы шешім қабылдаған жағдайларда мерзімінен бұрын тоқтатылады.

4.3. Партияның өңірлік филиалдары

69. Партияның құрылымдық бөлімшелері Партияның өңірлік филиалдары болып табылады және Партия Съезінің шешімдерімен құрылады.

70. Партияның Өңірлік филиалдары заңды тұлғалар болып табылмайды, Қазақстан Республикасының заңнамасына сәйкес есептік тіркеуден өтеді, Партияның Саяси кеңесінің Бюросы бекіткен Ереже негізінде әрекет етеді, өз қызметінде Партияның Жарғысын және бағдарламалық құжаттарын, Партияның басшы органдарының шешімдерін басшылыққа алады және Партия мүлкін пайдаланады.

4.3.1. Партия өңірлік филиалының Конференциясы

71. Партияның өңірлік филиалының Конференциясы Партияның Өңірлік филиалының жоғары басшы органы болып табылады.

72. Партияның өңірлік филиалы Конференциясының құзыретіне мыналар кіреді:

72.1. Партияның жоғары тұрған органдарының құзыретіне жатқызылғаннан басқа, Партияның өңірлік филиалы қызметінің барлық мәселелері бойынша шешімдер қабылдау;

72.2. Партияның өңірлік филиалы Саяси кеңесінің есептерін тындау;

72.3. Партияның өңірлік филиалы төрағасының ұсынысы бойынша Партияның өңірлік филиалы Саяси кеңесінің мүшелерін сайлау және оның құрамынан мүшелерді шығару туралы шешім қабылдау;

72.4. Партия Съезінің делегаттарын сайлау туралы шешім қабылдау;

72.5. Партия Съезінде бекітілген бағдарламалық құжаттар негізінде аумақтық сайлау округі бойынша Партияның сайлау алдындағы бағдарламасын бекіту;

72.6. облыстар, республикалық маңызы бар қалалар және астана мәслихаттарының депутаттары етіп сайлау үшін адамдардың партиялық тізімін бекіту;

72.7. Партияның өңірлік филиалының Саяси кеңесі ұсынатын астана, облыстар, республикалық маңызы бар қалалар мәслихаттарының депутаттығына кандидаттарды ұсыну, мәслихаттарға сайлау бойынша партиялық тізімді бекіту туралы шешім қабылдау;

72.8. Партияның Саяси кеңесінің Бюросы бекіткеннен кейін күшіне енетін аумақтық партия ұйымдарын құру, олардың қызметін тоқтату туралы шешімдер қабылдау;

72.9. Партияның Саяси кеңесінің Бюросымен келісілгеннен кейін партиялық тізім бойынша сайланған астананың, облыстардың, республикалық маңызы бар қалалардың мәслихаттары депутаттарының өкілеттіктерін мерзімінен бұрын кері қайтарып алу туралы шешім қабылдау;

72.10. Партияның Саяси кеңесі Бюросымен келісілгеннен кейін аудандық маңызы бар қалалардың, ауылдардың, кенттердің, ауылдық округтердің әкімдігіне кандидаттарды, сондай-ақ астана, облыстар және республикалық маңызы бар қалалар мәслихаттарының депутаттығына кандидаттарды кері қайтарып алу туралы шешім қабылдау;

72.11. Партиялық тізім бойынша сайланған мәслихаттар депутаттарының өкілеттіктерін мерзімінен бұрын кері қайтарып алу туралы шешімінің жобасын келісу;

72.12. Партияның өңірлік филиалы Саяси кеңесі Бюросының партия ұсынған әкімдерді, депутаттарды Партиядан шығару туралы шешімін келісу.

73. Партияның өңірлік филиалының Конференциялары Партия Төрағасының, Партияның Саяси кеңесі Бюросының, Партияның өңірлік филиалы Саяси кеңесі Бюросының, Партияның өңірлік филиалы Төрағасының шешімімен шақырылады.

74. Партия өңірлік филиалының Конференциясын шақыру туралы шешім қабылдаған орган немесе лауазымды адам Партияның өңірлік филиалы Конференциясы өткізілетін күнді, уақытты, орынды, күн тәртібінің жобасын, әрбір аумақтық партия ұйымынан делегаттарының санын (Партияның өңірлік филиалы Конференциясы делегаттары өкілдігінің нормасы туралы) және оларды сайлау тәртібін айқындайды.

75. Партияның өңірлік филиалының Конференциясы оның жұмысына Конференция делегаттары жалпы санының жартысынан астамы қатысқан кезде заңды болып саналады.

76. Партияның өңірлік филиалы Конференцияларының отырыстары цифрлық технологияларды пайдалану бетпе-бет, қашықтан, аралас немесе онлайн форматта өткізілуі мүмкін.

77. Партияның өңірлік филиалы Конференциясының шешімдері қатысып отырған делегаттардың көпшілік даусымен қабылданады. Дауыс беру нысанын (ашық немесе құпия) конференция делегаттары айқындайды.

4.3.2. Партияның Өңірлік филиалының Саяси кеңесі

78. Партияның өңірлік филиалының Конференциялары арасында Партияның Өңірлік филиалының басшы органы Партияның өңірлік филиалының Конференциясы сайлайтын, саны кемінде 7 және 17-ден аспайтын адамнан тұратын Партияның Өңірлік филиалының Саяси кеңесі болып табылады.

79. Партияның Өңірлік филиалы Саяси кеңесінің құзыретіне мыналар кіреді:

79.1. Партия съезінің, Партияның Саяси кеңесінің, Партияның Саяси кеңесі Бюросының, Партия Төрағасының, Партияның өңірлік филиалы Конференциясының шешімдерін іске асыру;

79.2. Партияның өңірлік филиалы төрағасының ұсынысы бойынша Партияның өңірлік филиалы Саяси кеңесінің құрамынан Партияның өңірлік филиалы Саяси кеңесі Бюросының мүшелерін сайлау;

79.3. Партияның Өңірлік филиалы Саяси кеңесі Бюросының аумақтық партия ұйымдарын құру туралы ұсыныстарын Партияның өңірлік филиалы Конференциясының қарауына енгізу;

79.4. Партияның Саяси кеңесінің Бюросымен келісілгеннен кейін өңірлік филиалдың Саяси кеңесінің Бюросы ұсынатын астана, облыстар, республикалық маңызы бар қалалар, облыстық маңызы бар қалалар және аудандар әкіміне кандидаттарды ұсыну бойынша, партиялық тізімді қалыптастыру бойынша ұсыныстарды Партияның өңірлік филиалы Конференциясының қарауына енгізу;

79.5. Партияның жоғары және басшы органдарының, Партияның өңірлік филиалдары Конференцияларының құзыретіне жатқызылмаған өзге де мәселелерді шешу.

80. Партияның өңірлік филиалы Саяси кеңесінің отырыстары қажеттілігіне қарай өткізіледі және Партияның Төрағасы, Партияның Саяси кеңесінің Бюросы, Партияның өңірлік филиалы Саяси кеңесінің Бюросы не Партияның Өңірлік филиалының Төрағасы шақырады.

81. Партияның өңірлік филиалы Саяси кеңесінің отырысы, егер оған мүшелерінің жартысынан көбі қатысса, заңды болады.

82. Партияның өңірлік филиалы Саяси кеңесінің отырыстары цифрлық технологияларды пайдалану арқылы бетпе-бет, қашықтан, аралас немесе онлайн форматта өткізілуі мүмкін.

83. Партияның өңірлік филиалы Саяси кеңесінің шешімдері қатысып отырған мүшелерінің көпшілік даусымен қабылданады. Дауыс беру нысанын (ашық немесе құпия) Партияның өңірлік филиалы Саяси кеңесінің мүшелері айқындайды.

84. Партияның өңірлік филиалы Саяси кеңесінің шешімдерін оның мүшелерінен сұрау арқылы қабылдауға жол беріледі. Сауалнама электрондық түрде, оның ішінде мессенджерлер мен өзге де электрондық бағдарламаларды, қосымшаларды пайдалану арқылы жүргізілуі мүмкін.

4.3.3. Партияның Өңірлік филиалы Саяси Кеңесінің Бюросы

85. Партияның өңірлік филиалының Саяси кеңесі өз құрамынан саны кемінде 5 және 7-еуден аспайтын адамнан тұратын Партияның өңірлік филиалы Саяси кеңесінің Бюросын сайлайды.

86. Партияның өңірлік филиалы Саяси кеңесі Бюросының құзыретіне мыналар кіреді:

86.1. Партияның жоғары тұрған органдарының шешімдерін іске асыру;

86.2. Партияның өңірлік филиалының Конференциясын шақыру;

86.3. Партияның өңірлік филиалы Саяси кеңесінің отырысын шақыру туралы шешім қабылдау;

86.4. аумақтық партия ұйымы Төрағасының ұсынысы бойынша бастауыш партия ұйымдарын құру, олардың қызметін тоқтату туралы шешімдер қабылдау;

86.5. Партияның өңірлік филиалының Саяси кеңесіне аумақтық партия ұйымдарын құру, олардың қызметін тоқтату жөнінде ұсыныстар енгізу;

86.6. Партияның Съезінде бекітілген бағдарламалық құжаттар негізінде аумақтық сайлау округі бойынша Партияның сайлауалды бағдарламасын Партияның өңірлік филиалы Конференциясының қарауына енгізу;

86.7. Партияның Саяси кеңесінің Бюросымен келісілгеннен кейін Партияның өңірлік филиалы Саяси кеңесінің қарауына облыстар, республикалық маңызы бар қалалар және астана мәслихаттарының депутаттығына, кандидаттар ұсыну жөнінде ұсыныстар енгізу;

86.8. тиісті мәслихаттарда Партияның депутаттық фракцияларын (топтарын) құру туралы шешім қабылдау және тиісті мәслихаттарда Партияның фракциясы (топтары) басшысының кандидатурасын ұсыну;

86.9. Партия ұсынған мәслихат депутаттары мен әкімдердің есептерін тыңдау;

86.10. аумақтық партия ұйымының Саяси кеңесі аумақтық партия ұйымы Конференциясының қарауына енгізуге ұсынатын аудандар мен облыстық маңызы бар қалалар мәслихаттарының депутаттығына, аудандық

маңызы бар қалалар, ауылдар, кенттер, ауылдық округтер әкіміне кандидатураларды келісу;

86.11. алып тасталды;

86.12. алып тасталды;

86.13. Партия мүшелігіне қабылдау, Партия мүшелерінен шығару және жаза қолдану туралы шешім қабылдау;

86.14. бастауыш партия ұйымдары Партиядан шығарған адамдардың шағымдары бойынша мәселелерді қарау;

86.15. Партия Жарғысына қайшы келетін аумақтық және бастауыш партия ұйымдары мен олардың органдары шешімдерінің күшін жою;

86.16. Партияның өңірлік филиалы Төрағасының ұсынысы бойынша аумақтық партия ұйымдары Төрағаларын тағайындау және қызметтен босату;

86.17. аумақтық партия ұйымдары Төрағаларының есептерін тыңдау;

86.18. Партияның Саяси кеңесінің Бюросымен келіскеннен кейін Партия ұсынған сайланған әкімді, мәслихат депутатын Партиядан шығару туралы шешім қабылдау;

86.19. Партияның Саяси кеңесінің Бюросымен келісілгеннен кейін партиялық тізімге енгізілген кандидаттар арасында мәслихат депутаттарының мандаттарын бөлу, сондай-ақ оларды партиялық тізім шеңберінде ротациялау;

86.20. алып тасталды;

86.21. алып тасталды;

86.22. Партияның жоғары тұрған органдарының құзыретіне жатқызылмаған өзге де мәселелерді шешу.

87. Партияның өңірлік филиалы Саяси кеңесі Бюросының отырыстары қажеттілігіне қарай өткізіледі және оны Партияның Төрағасы, Партияның Саяси кеңесінің Бюросы немесе Партияның өңірлік филиалының Төрағасы шақырады.

88. Партияның өңірлік филиалы Саяси кеңесі Бюросының отырысы, егер оған мүшелерінің жартысынан астамы қатысса, заңды болады.

89. Партияның өңірлік филиалы Саяси кеңесі Бюросының шешімдері оның қатысып отырған мүшелерінің көпшілік даусымен қабылданады. Дауыс беру нысанын (ашық немесе құпия) Партия өңірлік филиалы Саяси кеңесі Бюросының мүшелері айқындайды.

90. Партияның Саяси кеңесі Бюросы шешімдерін оның мүшелерінен сұрау арқылы қабылдауға жол беріледі. Сауалнама электрондық түрде, оның ішінде мессенджерлер мен өзге де электрондық бағдарламаларды, қосымшаларды пайдалану арқылы жүргізілуі мүмкін.

4.3.4. Партияның Өңірлік филиалының төрағасы

91. Партияның өңірлік филиалының Төрағасы – Партияның өңірлік филиалындағы басшы тұлға.

92. Партияның өңірлік филиалының Төрағасы Партия Төрағасының ұсынысы бойынша Партияның Саяси кеңесі Бюросының шешімімен сайланады және қызметтен босатылады.

93. Партияның өңірлік филиалы Төрағасының құзыретіне мыналар кіреді:

93.1. Партияның жоғары тұрған органдары шешімдерінің орындалуын қамтамасыз ету;

93.2. Партияның өңірлік филиалының Конференциясын шақыру;

93.3. Партияның өңірлік филиалының Конференциясын ашу және оған төрағалық ету;

93.4. Партияның өңірлік филиалының қызметіне, Партияның Саяси кеңесінің, оның Бюросының қызметіне басшылық жасау, олардың отырыстарын шақыру және төрағалық ету;

93.5. Партияның тиісті мәслихаттардағы депутаттық фракцияларының (топтарының) жұмысын үйлестіру;

93.6. Партияның төмен тұрған партиялық органдарының қызметін үйлестіру;

93.7. Партияның өңірлік филиалы Саяси кеңесінің Бюросына, Партияның өңірлік филиалының Саяси кеңесіне және Партияның өңірлік филиалының Конференциясына облыстар, республикалық маңызы бар қалалар мен астана мәслихаттарының депутаттығына, кандидаттар бойынша ұсыныстар енгізу;

93.8. Партияның өңірлік филиалы Конференциясының қарауына Партияның өңірлік филиалы Саяси кеңесінің сандық және дербес құрамы бойынша ұсыныстар енгізу;

93.9. Партияның өңірлік филиалының Саяси кеңесіне Партияның өңірлік филиалы Саяси кеңесі Бюросының мүшелерін сайлау үшін өңірлік филиалдың Саяси кеңесі мүшелерінің құрамынан кандидатуралар бойынша ұсыныстар енгізу;

93.10. Партияның мүшелерін бақылауды және тиісті есепке алуды қамтамасыз ету;

93.11. Партияның Орталық аппаратына есептер мен ақпараттар беру;

93.12. аумақтық партия ұйымдарының қызметіне басшылық ету;

93.13. Аумақтық партия ұйымының Конференцияларын шақыру;

93.14. Аумақтық партия ұйымы Саяси кеңесінің отырыстарын шақыру;

93.15. аумақтық партия ұйымдарын құру және олардың қызметін тоқтату туралы ұсыныстар енгізу;

93.16. Партия өңірлік филиалы Саяси кеңестің Бюросына аумақтық партия ұйымының Төрағасы етіп сайлау үшін кандидатура бойынша және аумақтық партия ұйымының Төрағасын лауазымнан босату үшін ұсыныстар енгізу;

93.17. бастауыш партия ұйымдарын құру, олардың қызметін тоқтату туралы шешімдер шығару;

93.18. бастауыш партия ұйымының Жиналысын шақыру;

93.19. Партияның өңірлік филиалы Төрағасының орынбасарларын тағайындау және қызметтен босату;

93.20. Партияның жоғары тұрған органдары мен оның филиалдарының құзыретіне жатпайтын өзге де мәселелерді шешеді.

94. Партияның өңірлік филиалы Төрағасының өкілеттігі ол өкілеттіктерін өз еркімен доғарған, оның Партияға мүше болуы тоқтатылған, Партияның Саяси кеңесі Бюросының шешімімен қызметтен босатылған жағдайларда мерзімінен бұрын тоқтатылады.

95. Партияның өңірлік филиалы Төрағасының өкілеттіктері мерзімінен бұрын тоқтатылған жағдайда Партия Төрағасы Партияның өңірлік филиалының жаңа Төрағасы тағайындалған кезге дейінгі мерзімге Партияның өңірлік филиалы Төрағасының өкілеттіктерін Партияның өңірлік филиалы Саяси кеңесі Бюросы мүшелерінің біріне жүктеу туралы шешім қабылдайды.

96. Партияның өңірлік филиалының Төрағасы не оны алмастыратын адам өз қызметін Партия Төрағасының сенімхаты негізінде жүзеге асырады.

4.4. Аумақтық партия ұйымдары

97. Аумақтық партия ұйымдары Партияның Саяси кеңесінің Бюросы бекіткеннен кейін күшіне енетін Партияның өңірлік филиалы Конференциясының шешімдерімен құрылады.

4.4.1. Аумақтық партия ұйымының Конференциялары

98. Аумақтық партия ұйымының жоғарғы органы Аумақтық партия ұйымының Конференциясы болып табылады.

99. Аумақтық партия ұйымы Конференциясының құзыретіне мыналар кіреді:

99.1. аумақтық партия ұйымы қызметінің мәселелерін шешу;

99.2. аумақтық партия ұйымы Саяси кеңесінің есебін тындау;

99.3. аумақтық партия ұйым Саяси кеңесінің мүшелерін сайлау,

99.4. аумақтық партия ұйым Саяси кеңесінің құрамынан мүшелерді шығару;

99.5. партиялық тізімді қалыптастыру бойынша аудандар мен облыстық маңызы бар қалалар мәслихаттарының депутаттығына, аудандық маңызы бар қалалар, ауылдар, кенттер, ауылдық округтер әкіміне кандидаттар жөнінде ұсыныстар енгізу.

100. Аумақтық партия ұйымының Конференциясы Партия Төрағасының, Партияның Саяси кеңесі Бюросының, Партияның өңірлік филиалы Төрағасының, Партияның Өңірлік филиалы Саяси кеңесі Бюросының, аумақтық партия ұйымы Саяси кеңесінің, Аумақтық партия ұйымы Төрағасының шешімімен шақырылады.

101. Аумақтық партия ұйымының Конференциясын шақыру туралы шешім қабылдаған орган немесе лауазымды адам аумақтық партия ұйымының Конференциясы өткізілетін күнді, уақытты, орынды, күн

тәртібінің жобасын, әрбір бастауыш партия ұйымынан делегаттарының санын (аумақтық партия ұйымы Конференциясы делегаттары өкілдігінің нормасы туралы) және оларды сайлау тәртібін айқындайды.

102. Аумақтық партия ұйымының Конференциясы оның жұмысына делегаттардың жалпы санының жартысынан астамы қатысқан кезде заңды болып саналады.

103. Аумақтық партия ұйымы Конференцияларының отырыстары Партияның Саяси кеңесінің Бюросы айқындайтын тәртіппен цифрлық технологияларды пайдалана отырып, бетпе-бет, қашықтан, аралас немесе онлайн форматта өткізілуі мүмкін.

104. Аумақтық партия ұйымы Конференциясының шешімдері қатысып отырған делегаттардың көпшілік даусымен қабылданады. Дауыс беру нысанын (ашық немесе құпия) аумақтық партия ұйымы Конференциясының делегаттары айқындайды.

4.4.2. Аумақтық партия ұйымының Саяси кеңесі

105. Аумақтық партия ұйымының Конференциясы сайлайтын, саны кемінде 5 және 9-дан аспайтын адамнан тұратын аумақтық партия ұйымының Саяси кеңесі аумақтық партия ұйымының Конференциялары арасындағы аумақтық партия ұйымының басшы органы болып табылады.

106. Аумақтық партия ұйымының Саяси кеңесінің құзыретіне мыналар кіреді:

106.1. жоғары тұрған партия органдарының шешімдерін орындау;

106.2. бастауыш партия ұйымдарының қызметін үйлестіру;

106.3. Өңірлік филиалдың Саяси кеңесінің Бюросымен келісілгеннен кейін аумақтық партия ұйымы Конференциясының қарауына аудандар мен облыстық маңызы бар қалалар мәслихаттарының депутаттығына, аудандық маңызы бар қалалар, ауылдар, кенттер, ауылдық округтер әкіміне кандидаттар бойынша ұсыныстар енгізу;

106.4. Партия мүшелерінің тиісті есебін қамтамасыз ету;

106.5. Партияның жоғары тұрған органдарына есептер мен ақпараттар беру;

106.6. Партия мүшелігіне қабылдау;

106.7. Партия мүшелігіне қабылдау, Партия мүшелігінен шығару және жаза қолдану туралы шешім қабылдау;

106.8. Партияның өңірлік филиалының Бюросына партия ұсынып сайланған әкімді, мәслихат депутатын Партия мүшелігінен шығару туралы ұсыныстар енгізу;

106.9. Партияның Жарғысына қайшы келетін бастауыш партия ұйымдары шешімдерінің күшін жою;

106.10. Партияның жоғары тұрған органдарының құзыретіне жатқызылмаған өзге де мәселелерді шешу.

107. Аумақтық партия ұйымы Саяси кеңесінің отырыстары қажеттілігіне қарай өткізіледі және оларды Партия Төрағасы, Партияның өңірлік филиалының Төрағасы, аумақтық партия ұйымының Төрағасы шақырады.

108. Аумақтық партия ұйымы Саяси кеңесінің отырысы, егер оған мүшелерінің жартысынан көбі қатысса, заңды болады.

109. Аумақтық партия ұйымы Саяси кеңесінің шешімдері оның қатысып отырған мүшелерінің көпшілік даусымен қабылданады.

110. Аумақтық партия ұйымы Саяси кеңесінің шешімдерін оның мүшелерінен сұрау арқылы қабылдауға жол беріледі. Сауалнама электрондық түрде, оның ішінде мессенджерлер мен өзге де электрондық бағдарламаларды, қосымшаларды пайдалану арқылы жүргізілуі мүмкін.

4.4.3. Аумақтық партия ұйымының Төрағасы

111. Аумақтық партия ұйымның Төрағасы – аумақтық партия ұйымындағы басшы тұлға.

112. Аумақтық партия ұйымның Төрағасы Партияның өңірлік филиалы Төрағасының ұсынысы бойынша, Партияның Саяси кеңесінің Бюросымен келісу арқылы Партияның өңірлік филиалы Саяси кеңесі Бюросының шешімімен лауазымға сайланады және лауазымнан босатылады.

113. Аумақтық партия ұйымы Төрағасының құзыретіне мыналар кіреді:

113.1. Партияның жоғары тұрған партия органдары шешімдерінің орындалуын қамтамасыз ету;

113.2. аумақтық партия ұйымының қызметіне басшылық жасау;

113.3. бастауыш партия ұйымдарының қызметін үйлестіру;

113.4. өңірлік филиалдың Саяси кеңесінің Бюросымен келісілгеннен кейін аумақтық партия ұйымының Саяси кеңесіне аудандар мен облыстық маңызы бар қалалар мәслихаттарының депутаттығына, аудандық маңызы бар қалалар, ауылдар, кенттер, ауылдық округтер әкіміне кандидаттар бойынша ұсыныстар енгізу;

113.5. Партия мүшелерін бақылауды және тиісті есепке алуды қамтамасыз ету;

113.6. Партияның жоғары тұрған органдарына есептер мен ақпараттар беру;

113.7. Партияның мәслихаттардағы депутаттық фракцияларының (топтарының) жұмысын үйлестіру;

113.8. аумақтық партия ұйымы Саяси кеңесінің отырыстарын шақыру және оларға төрағалық ету;

113.9. Партияның өңірлік филиалының Бюросына, Партияның өңірлік филиалының Төрағасына бастауыш партия ұйымдарын құру және олардың қызметін тоқтату жөнінде ұсыныстар енгізу;

113.10. бастауыш партия ұйымының Жиналысына бастауыш партия ұйымының Төрағасы етіп сайлау және бастауыш партия ұйымының Төрағасын қызметтен босату үшін кандидатура бойынша ұсыныстар енгізу;

113.11. Партияның жоғары тұрған органдары мен оның филиалдарының құзыретіне жатпайтын өзге де мәселелерді шешу.

114. Аумақтық партиялық ұйымы Төрағасының өкілеттігі оның Партияға мүшелігі тоқтатылған, өзінен өкілеттіктерін ерікті түрде доғарған, Партияның өңірлік филиалының Саяси кеңесі Бюросының оны аумақтық партиялық ұйымы Төрағасының міндеттерінен босату туралы шешім қабылдаған жағдайларда мерзімінен бұрын тоқтатылады.

115. Аумақтық партия ұйымы Төрағасының өкілеттіктері мерзімінен бұрын тоқтатылған жағдайда Партияның өңірлік филиалы Саяси кеңесінің Бюросының аумақтық партия ұйымы Төрағасының өкілеттіктерін Партияның өңірлік филиалы Төрағасының ұсынысы бойынша аумақтық партия ұйымының жаңа Төрағасын тағайындаған кезге дейін аумақтық партия ұйымы Саяси кеңесі мүшелерінің біріне жүктеу туралы шешім қабылдайды.

116. Аумақтық партия ұйымының Төрағасы не оны алмастыратын адам өз қызметін Партияның өңірлік филиалының Төрағасы берген сенімхат негізінде жүзеге асырады.

4.5. Бастауыш партия ұйымдары

117. Бастауыш партия ұйымдары Партияның негізі болып табылады.

118. Бастауыш партия ұйымдары Партия мүшелерінің тұрғылықты жері бойынша, сондай-ақ кәсіпорындарда, ұйымдар мен мекемелерде құрылады.

119. Бастауыш партия ұйымын құру үшін Партия мүшелерінің бастамашыл тобы Партияның өңірлік филиалының Төрағасына өтінішпен жүгінеді.

120. Бастауыш партия ұйымын құру туралы шешімді Партияның өңірлік филиалы Саяси кеңесінің Бюросы қабылдайды. Жекелеген жағдайларда бастауыш партия ұйымдары Партияның Саяси кеңесі Бюросының, Партия Төрағасының немесе Партияның өңірлік филиалы Төрағасының шешімдерімен құрылады.

121. Бастауыш партия ұйымдары Партияның кемінде үш мүшесі болған кезде құрылады.

122. Бастауыш партия ұйымының жоғарғы органы жиналыс болып табылады.

123. Бастауыш партия ұйымы жиналысының құзыретіне мыналар кіреді:

123.1. бастауыш партия ұйымы қызметінің мәселелерін шешу;

123.2. бастауыш партия ұйымы Төрағасының есептерін тыңдау;

123.3. бастауыш партия ұйымының Төрағасын сайлау және оны қызметтен босату, оның ішінде аумақтық партия ұйымы Төрағасының ұсынысы бойынша;

123.4. әкімдерге, мәслихат депутаттарына, жергілікті өзін-өзі басқару органдарының мүшелеріне кандидаттар бойынша ұсыныстар енгізу;

123.5. Партия мүшелігіне қабылдау, Партия мүшелігінен шығару және жаза қолдану туралы шешім қабылдау;

123.6. Партияның мақсаты мен міндеттерін алға жылжыту бойынша жаппай үгіт-насихат жұмыстарын жүргізу;

123.7. Партияның жоғары тұрған органдарының құзыретіне жатқызылмаған өзге де мәселелерді шешу.

124. Бастауыш партия ұйымының жиналысы бастауыш партия ұйымы Төрағасының шешімі бойынша шақырылады. Жекелеген жағдайларда бастауыш партия ұйымының жиналысын Партия Төрағасы, Партияның өңірлік филиалы Саяси кеңесінің Бюросы, Партияның өңірлік филиалының Төрағасы шақыра алады.

125. Бастауыш партия ұйымының жиналысы оның жұмысына бастауыш партия ұйымы мүшелерінің жартысынан астамы қатысқан кезде заңды болып саналады.

126. Бастауыш партия ұйымы жиналысының шешімдері қатысып отырған бастауыш партия ұйымы мүшелерінің көпшілік даусымен қабылданады.

4.5.1. Бастауыш партия ұйымының Төрағасы

127. Бастауыш партия ұйымының басшысы бастауыш партия ұйымының Төрағасы болып табылады.

128. Бастауыш партия ұйымының Төрағасын бастауыш партия ұйымының Жиналысы сайлайды.

129. Бастауыш партия ұйымы Төрағасының өкілеттігі Партияға мүшелігі тоқтатылған, өкілеттіктерін өз еркімен доғарған, бастауыш партия ұйымының Жиналысы бастауыш партия ұйымы Төрағасының өкілеттіктерін мерзімінен бұрын тоқтату туралы шешім қабылдаған жағдайларда мерзімінен бұрын тоқтатылады.

130. Бастауыш партия ұйымы Төрағасының құзыретіне мыналар кіреді:

130.1. бастауыш партия ұйымының қызметіне басшылық жасау;

130.2. жоғары тұрған партия органдарының шешімдерін орындау;

130.3. Партия мүшелерінің тиісті есебін қамтамасыз ету;

130.4. Партияның жоғары тұрған органдарына есептер мен ақпараттар беру;

130.5. Партияның жоғары тұрған органдарының құзыретіне жатқызылмаған өзге де мәселелерді шешу.

4.6. Партияның Ревизия комиссиясы

131. Партияның Ревизия комиссиясы Партияның бақылау органы болып табылады.

132. Партияның Ревизия комиссиясын Партияның Съезі саны 3 – 7 адам етіп сайлайды және ол өз қызметінде Партияның Съезіне есеп береді.

133. Ревизиялық комиссияның Төрағасы Партия Съезінде Партия Төрағасының ұсынысы бойынша Ревизиялық комиссияның мүшелерінен сайланады.

134. Партияның Ревизиялық комиссияның құзыретіне мынадай тексерулер кіреді:

134.1. Съездің және Партияның басшы органдарының шешімдерін тиісінше орындау;

134.2. іс-қағаздардың өтуінің белгіленген тәртібі және құжат айналымының жай-күйі;

134.3. Партияның органдарына, өңірлік филиалдар мен аумақтық партия ұйымдарына азаматтардан келіп түскен хаттарды, өтініштер мен шағымдарды қарау бойынша жұмыс жүргізу;

134.4. Партия бюджетінің атқарылуы;

134.5. Партияның, сондай-ақ Партия құрған ұйымдар мен мекемелердің қаржылық-шаруашылық қызметі;

134.6. бухгалтерлік және статистикалық есепке алуды жүргізудің қолданыстағы стандарттар мен нормаларға сәйкестігі.

135. Ревизия комиссиясының отырыстары қажеттілігіне қарай өткізіледі және Ревизия комиссиясы мүшелерінің жартысынан астамы қатысқанда заңды болып саналады.

136. Партияның Ревизия комиссиясының шешімдері, Тексеру актілері Ревизия комиссиясының отырысқа қатысып отырған мүшелерінің көпшілік даусымен қабылданады және оны Партияның барлық органы, құрылымдық бөлімшелері мен лауазымды адамдары орындауға міндетті.

4.7. Партияның Орталық аппараты

137. Партияның қызметін қамтамасыз ету үшін құрылатын Партияның Орталық аппараты Партияның жұмыс органы болып табылады.

138. Партияның Орталық аппараты Партияның Саяси кеңесінің Бюросы бекіткен Ереже негізінде әрекет етеді.

139. Партияның Орталық аппараты Партияның, оның органдары мен құрылымдық бөлімшелерінің қызметін ақпараттық, талдамалық, ұйымдастырушылық, құжаттамалық, құқықтық, материалдық-техникалық және өзге де қамтамасыз етуді жүзеге асырады.

140. Партияның Орталық аппараты Партия Съезі, Партияның Саяси кеңесі және Партияның Саяси кеңесінің Бюросы шешімдерінің, Партия Төрағасы, оның орынбасарлары шешімдерінің және тапсырмаларының орындалуын қамтамасыз етеді.

141. Партияның Орталық аппаратын қаржыландыру Партияның бюджеті есебінен жүзеге асырылады.

5. ПАРТИЯДАН ҚАЗАҚСТАН РЕСПУБЛИКАСЫНЫҢ ПРЕЗИДЕНТТІГІНЕ, ДЕПУТАТТЫҚҚА, ӘКІМІНЕ ЖӘНЕ ӨЗГЕ ДЕ САЙЛАНБАЛЫ ЛАУАЗЫМДАРҒА КАНДИДАТТАР ҰСЫНУ ТӘРТІБІ.

ПАРТИЯДАН САЙЛАНҒАН ДЕПУТАТТАРДЫ КЕРІ ШАҚЫРЫП АЛУ НЕГІЗДЕРІ

142. Партиядан Қазақстан Республикасының Президенттігіне, Құрылтай, мәслихаттар депутаттығына, жергілікті өзін-өзі басқару органдарының әкіміне және мүшелеріне кандидаттар ұсыну, сайланбалы органдар құрамында өзара іс-қимыл жасау тәртібі, сондай-ақ оларды кері шақырып алу немесе ротациялау негіздері Қазақстан Республикасының нормативтік құқықтық актілерінде, осы Жарғыда және Партияның басқа да құжаттарында айқындалады.

143. Партиялық тізім бойынша Құрылтайға, мәслихаттарға депутат болып сайланған Партия мүшесінің өз міндеттерін тиісінше орындамауы, оны мерзімінен бұрын кері шақырып алуға алып келеді.

144. Бір мандатты аумақтық сайлау округі бойынша мәслихаттың депутаты болып сайланған Партияның, жергілікті өзін-өзі басқару органының мүшесі болып сайланған Партия мүшесінің өз міндеттерін тиісінше орындамауы Партиядан шығарылуға алып келеді.

145. Қазақстан Республикасы Құрылтайының партиялық тізім бойынша сайланған депутатын кері шақырып алу туралы шешімді Партияның Саяси кеңесінің Бюросы қабылдайды.

146. Облыстық мәслихаттың, Республикалық маңызы бар қалалар мен астана мәслихатының партиялық тізім бойынша сайланған депутатын кері қайтарып алу туралы шешімді партияның Саяси кеңесі Бюросымен келісілгеннен кейін өңірлік филиал конференциясы қабылдайды.

147. Депутатты кері шақырып алу мынадай жағдайларда жүзеге асырылады:

147.1. соттың оған қатысты айыптау үкімі заңды күшіне енгенде;

147.2. Партияның беделін түсіретін және Партияға нұқсан келтіретін әрекеттер (әрекетсіздіктер) жасаса;

147.3. Партияның Жарғысын, Партия органдарының бағдарламалық құжаттарын, шешімдерін сақтамаса;

147.4. ол Қазақстаннан тысқары жерлерге тұрақты тұруға кетсе;

147.5. Қазақстан Республикасының азаматтығын жоғалтса;

147.6. оны заңнамаға сәйкес депутаттың немесе әкімнің міндеттерін орындаумен үйлеспейтін лауазымға сайласа немесе тағайындаса;

147.7. денсаулық жағдайы, отбасылық жағдайлар және басқа да себептер бойынша отставкаға кету туралы жеке өтінішпен жүгінсе;

147.8. ол Партиядан шықса немесе шығарылса;

147.9. Партия қызметін тоқтатса;

147.10. соттың оны әрекетке қабілетсіз, әрекет ету қабілеті шектеулі, хабар-ошарсыз кетті немесе қайтыс болды деп тану туралы шешімі заңды күшіне енген жағдайда және Конституцияда көзделген өзге де жағдайларда;

147.11. алып тасталды;

147.12. Қазақстан Республикасының заңнамасында көзделген жағдайларда.

148. Мәслихат депутатын кері шақырып алу мынадай жағдайларда да жүзеге асырылады:

148.1. мәслихаттың өкілеттіктері тоқтатылса;

148.2. ол тиісті әкімшілік-аумақтық бірліктен тысқары жерге тұрақты тұруға кетсе;

148.3. ол өз міндеттерін жүйелі түрде орындамаса, оның ішінде өзі құрамына сайланған мәслихаттың отырыстарында дәлелсіз себептермен жүйелі түрде болмаса.

149. Қазақстан Республикасы Құрылтайының депутатын кері шақырып алу туралы шешім қабылданған жағдайда Партияның басшы органы Орталық сайлау комиссиясына Қазақстан Республикасы Құрылтайының депутатын кері шақырып алу туралы негіздемелері бар өтініш жібереді.

150. Мәслихат депутатын кері шақырып алу туралы шешім қабылданған жағдайда Партияның өңірлік филиалы Конференциясы тиісті сайлау комиссиясына мәслихат депутатын кері шақырып алу туралы негіздемелері бар өтінішті жібереді.

151. Депутатты ротациялау мынадай жағдайда жүзеге асырылады:

151.1. оны заңнамаға сәйкес депутаттық міндеттерді орындаумен үйлеспейтін лауазымға сайласа немесе тағайындаса;

151.2. денсаулық жағдайы, отбасылық жағдайлар және басқа да себептер бойынша ротациялау туралы жеке өтінішпен жүгінсе;

151.3. Қазақстан Республикасынан тысқары жерлерге тұрақты тұруға кетсе;

151.4. Партияның Саяси кеңесінің Бюросы Қазақстан Республикасы Құрылтайының депутатын кері шақырып алу жөнінде, оның ішінде ротациялау жолымен партиялық тізімге енгізілген барлық кандидат үшін Қазақстан Республикасы Құрылтайының жұмысына қатысу бойынша тең мүмкіндіктер беру мақсатында шешім қабылдаса;

151.5. Партияның өңірлік филиалының Конференциясы мәслихат депутатын кері шақырып алу жөнінде, оның ішінде ротациялау жолымен партиялық тізімге енгізілген барлық кандидат үшін мәслихат жұмысына қатысу бойынша тең мүмкіндіктер беру мақсатында шешім қабылдаса.

152. алып тасталды.

153. алып тасталды.

154. Қазақстан Республикасы Құрылтайының депутаты мерзімінен бұрын шығарылған жағдайда Партияның Саяси кеңесінің Бюросы Партия

тізіміне енгізілгендер қатарынан келесі кандидатураны айқындайды және Орталық сайлау комиссиясының қарауына енгізеді.

154.1. Партиялық тізім бойынша сайланған мәслихат депутаты мерзімінен бұрын шығып қалған жағдайда, өңірлік филиалдың Конференциясы Партия тізіміне енгізілгендер қатарынан келесі кандидатты айқындайды және оны аумақтық сайлау комиссиясының қарауына енгізеді.

6. ПАРТИЯНЫҢ ӨКІЛДІ ОРГАНДАРДАҒЫ ҚЫЗМЕТІ

155. Қазақстан Республикасының Құрылтайы мен мәслихаттар депутаттарының, олардың депутаттық бірлестіктерінің қызметі Қазақстан Республикасының нормативтік құқықтық актілеріне сәйкес жүзеге асырылады.

7. ҚАРЖЫЛАНДЫРУ КӨЗДЕРІ ЖӘНЕ ПАРТИЯНЫҢ МЕНШІГІ

156. Партияның қаражаты мыналардан құралады:

156.1. мемлекет алдындағы салық міндеттемелерінің орындалуына салықтық бақылауды қамтамасыз ететін орталық атқарушы орган белгілеген тәртіппен жүзеге асырылатын Қазақстан Республикасының азаматтары мен мемлекеттік емес ұйымдарының қайырымалдықтары, егер осы қайырымалдықтар құжатпен расталған және олардың түсім көзі көрсетілген болса;

156.2. Партияның кәсіпкерлік қызметінен түсетін кірістер;

156.3. бюджет қаражаты.

157. Қайырымалдыққа жол берілмейді:

157.1. шет мемлекеттерден, шетелдік заңды тұлғалардан және халықаралық ұйымдардан;

157.2. шетелдіктер мен азаматтығы жоқ адамдардан;

157.3. шетел қатысатын заңды тұлғалардан;

157.4. мемлекеттік органдар мен мемлекеттік ұйымдардан;

157.5. діни бірлестіктер мен қайырымдылық ұйымдардан;

157.6. жасырын түрде қайырымалдық жасаушылардан;

157.7. халықаралық немесе шетелдік үкіметтік емес ұйымдардан гранттар мен өзге де қаражат алатын Қазақстан Республикасының азаматтарынан немесе мемлекеттік емес ұйымдардан.

158. Партия Қазақстан Республикасының заңнамасында айқындалатын тәртіппен осы Жарғыда көзделген қызметті материалдық қамтамасыз ету үшін қажет мүлікті, сондай-ақ өз қаражаты есебінен құрылған ұйымдарды меншігінде ұстай алады.

159. Партияның өңірлік филиалдары мен аумақтық партия ұйымдары Партияға тиесілі мүлікті пайдалануға құқылы, ал олардың басшылары оның сақталуына Партия алдында жауапты болады.

160. Партияның қаржы қаражаты мен өзге де мүлкі Партия мүшелері арасында бөлінбейді және жарғылық мақсаттарға сәйкес жұмсалады.

161. Партияның мүшелері Партияның міндеттемелері бойынша жауап бермейді, сондай-ақ Партия да өз мүшелерінің міндеттемелері бойынша жауап бермейді. Партия мүшелерінің Партия мүлкіне қатысты құқықтары жоқ.

162. Партияның лауазымды адамдары Партияның ақшалай қаражаты мен мүлкінің сақталуы мен нысаналы пайдаланылуы үшін жауапты болады.

163. Партияның жылдық қаржылық есептілігі жыл сайын республикалық мерзімді басылымдарда жарияланады.

8. ПАРТИЯНЫҢ ЖАРҒЫСЫНА ӨЗГЕРІСТЕР МЕН ТОЛЫҚТЫРУЛАР ЕНГІЗУ

164. Партияның Саяси кеңесінің Бюросы Партияның Жарғысына өзгерістер мен толықтырулар енгізу туралы мәселені Партия Съезінің қарауына енгізеді.

165. Партияның Жарғысына өзгерістер мен толықтырулар, егер оларға Партияның Съезіне қатысқан делегаттардың кемінде жартысы дауыс берсе, енгізіледі.

166. Партияның Жарғысына енгізілетін өзгерістер мен толықтырулар мемлекеттік тіркелуге тиіс.

9. ПАРТИЯНЫ ЖӘНЕ ОНЫҢ ҚҰРЫЛЫМДЫҚ БӨЛІМШЕЛЕРІН ҚАЙТА ҰЙЫМДАСТЫРУ ЖӘНЕ ТАРАТУ ТӘРТІБІ

167. Партияны қайта ұйымдастыру (қосылу, бірігу, бөліну, бөлініп шығу, қайта құрылу) Партия Съезінің шешімі бойынша жүргізіледі.

167.1. Партия:

- Партия Съезінің шешімі бойынша;
- сот шешімі бойынша;
- өңірлердің кемінде жартысын білдіретін оның мүшелерінің кемінде елу бір пайызының ұсынысы бойынша таратылуы мүмкін.

167.2. Партияның құрылымдық бөлімшелері:

- Партия Съезінің шешімі бойынша;
- сот шешімі бойынша таратылуы мүмкін.

168. Партия таратылған жағдайда Тарату комиссиясы тағайындалады.

169. Заңды тұлғалардың мемлекеттік тіркеліміне тиісті жазба енгізілгеннен кейін Партияны тарату аяқталды, ал Партия өз қызметін тоқтатты деп есептеледі.

10. ПАРТИЯНЫҢ РӘМІЗІ

170. Партияның рәміз ретінде өз туы, әнұраны, эмблемасы, төсбелгісі болады.

171. Партия эмблемасының мөрлерде, бланкілерде, партия құжаттарында, Партияға мүше болуды растайтын төсбелгілерде болуы міндетті.

172. Осы Жарғының №1 қосымшасына сәйкес партия эмблемасы градиентті пайдалана отырып, алтын түсте орындалған ортасында шаңырақ бейнеленген киіз үйдің стильдендірілген бейнесі жанында орналасқан партия атауы болып табылады;

173. Партия туы – осы Жарғыға №2 қосымшаға сәйкес тікбұрышты мата, ені мен ұзындығының арақатынасы бірге екі мөлшерде – ортасында Партияның эмблемасы бейнеленген. Партия жалаушаның екі нұсқасын қолданады: жасыл фонмен және алтын эмблемамен, ақ фонмен және алтын эмблемамен.

174. Төсбелгі осы Жарғының №3 қосымшасына сәйкес Партия эмблемасы пішініндегі нысанда болады.

175. Моральдық көтермелеу атрибуттарының үлгілерін Партияның Саяси кеңесінің Бюросы бекітеді.

Партия Төрағасы



Қ. Айтуғанов

**«Ауыл» партиясы» РҚБ Жарғысына
№1 қосымша**

Эмблема



**«Ауыл» партиясы» РҚБ Жарғысына
№2 қосымша**

Ту



**«Ауыл» партиясы» РҚБ Жарғысына
№3 қосымша**

Партия мүшесінің төсбелгісі

